



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 9. |

NOVOSTI

Bivša ministrica pravosuđa ZDK negirala krivnju za krivotvorenje dokumenata

(29.04.2015.) Bivša ministrica za pravosuđe Zeničko-dobojskog kantona Romana Brkić i njen suprug Dženaid pred Općinskim sudom u Zenici izjasnili su se da nisu krivi u slučaju gdje ih se tereti za zloupotrebu položaja ili ovlaštenja.

Bivša ministrica pravosuđa ZDK negirala krivnju za krivotvorenje dokumenata

Prema optužnici Kantonalnog tužilaštva ZDK, Romana je za vrijeme vršenja ministarske funkcije u Vladi Zeničko-dobojskog kantona krivotvorila javnu ispravu na taj način da je sačinila i ovjerila uvjerenje o uspješno završenom stručnom ispitu za supruga Dženaida kako bi se on zaposlio u Općinskom sudu u Tešnju. Za isto krivično djelo tereti se i Dženaid, koji je krivotvorenu javnu ispravu iskoristio kao pravu u svrhu zapošljavanja.

U julu 2014. godine Romana je prešla na novo radno mjesto sudije u Opštinskom sudu u Banja Luci, a Visoko sudsko i tužilačko vijeće ju je suspendovalo sa funkcije do okončanja postupka.

klix.ba



Britanska Ambasada
Sarajevo

Strategija za reformu sektora pravde u Bosni i Hercegovini za period od 2014. do 2018. godine

U novembru 2013. godine, tokom šestog sastanka Strukturiranog dijaloga o pravosuđu između Evropske unije (EU) i Bosne i Hercegovine (BiH), održanog u Banjaluci, po pitanju izrade nove Strategije za reformu sektora pravde u BiH za period od 2014. do 2018. godine (SRSP u BiH), Evropska komisija (EK): „Poziva Ministarstvo pravde Bosne i Hercegovine da završi postupak izrade revidirane Strategije za reformu sektora pravde (SRSP), uzimajući u obzir potrebu za osiguranjem djelotvornog sistema praćenja njenog provođenja. Ponavlja da je usvajanje SRSP ključni strateški korak i u cilju dobivanja pomoći iz IPA sredstava. U tom pogledu, poziva se na niz odgovarajućih preporuka iz poglavlja 9., usvojenih nakon plenarne sjednice Strukturiranog dijaloga, održane u Brčkom.“

Iako strategije, poput Srednjoročne razvojne strategije, Strategije za reformu javne uprave i Strategije integrisanja BiH u EU, te međunarodni sporazumi, kao što je Sporazum o stabilizaciji i pridruživanju, osiguravaju opći strateški okvir koji daje smjernice za određene elemente planiranja i izrade budžeta u sektoru pravde u BiH, postoji potreba izrade strategije koja se usmjerava na sektor pravde u BiH, kao usklađen sistem u koji je uključen veći broj institucija.

Postojanje strategije za sektor pravde u BiH osigurava usklađene i koordinirane aktivnosti koje rezultiraju pozitivnim efektima. To omogućuje institucijama sektora pravde u BiH planiranje i utvrđivanje prioriteta u vezi sa korištenjem nedovoljnih finansijskih sredstava. Strategija omogućava da se kod planiranja uzmu u obzir međusobni odnosi između različitih institucija sektora pravde u BiH, posebno kada aktivnosti iz jednog dijela mogu imati uticaj na neki drugi dio ovog sektora.

Opći cilj i osnovna vodilja u izradi SRSP u BiH je stvaranje zajedničkog dugoročnog strateškog okvira, koji sadrži usaglašene dugoročne prioritete za budući razvoj ovog sektora u cjelini, kao i realne reformske aktivnosti.

Ova strategija izrađena je zajedničkim radom ministarstava pravde BiH, entiteta i kantona, Visokog sudskog i tužilačkog vijeća BiH (VSTV) i Pravosudne komisije Brčko distrikta Bosne i Hercegovine (PK BD) i predstavnika udruženja sudija, tužilaca, advokata, notara, medijatora i drugih nevladinih organizacija.

Tokom izrade SRSP u BiH, nepostojanje konsenzusa je dovelo do izdvajanja određenih strateških programa. Iako su izdvojena iz SRSP u BiH, dogovoreno je da je o ovim pitanjima potrebno dodatno raspravljati.

Koristimo priliku da se zahvalimo svima koji su doprinijeli izradi SRSP u BiH, a posebno članovima funkcionalnih radnih grupa (FRG), čiji je zadatak bio izrada strateških programa za sektor pravde u BiH i ostalima koji su dali svoj doprinos, kroz davanje primjedbi, sugestija i prijedloga. Na kraju, želimo se zahvaliti Vladi Švicarske na tehničkoj podršci u izradi SRSP u BiH.

U ovom broju biltena objavljujemo šesti dio dokumenta Strategije za reformu sektora pravde u Bosni i Hercegovini za period od 2014. do 2018. godine.

Ukoliko želite, ovaj dokument u cijelosti možete preuzeti Online s sljedeće web adrese:

<http://pravosudnamreza.org.ba/download/SRSPuBiH.pdf>

S T R A T E G I J A

ZA REFORMU SEKTORA PRAVDE U BOSNI I HERCEGOVINI ZA PERIOD OD 2014. DO 2018. GODINE (VI dio) - Sarajevo, maja 2015. godine

1.4 Otvorenost u radu pravosudnih institucija u BiH

U okviru ove podoblasti razmatraju se slijedeća pitanja:

1. Dostignuti nivo komunikacije pravosudnih institucija u BiH sa medijima, korisnicima sudova i tužilaštava, te javnosti potrebno je kontinuirano provoditi i unapređivati primjenom moderne metode komunikacije (internet stranice, Centar za sudsku dokumentaciju VSTV-a, portal pravosudje.ba). Da bi se ovo ostvarilo potrebno je vršiti kontinuiranu obuku nadležnog osoblja pravosudnih institucija u BiH.

2. Ista ocjena se može dati i za dostignuti nivo dostupnosti informacija o radu pravosudnih institucija u BiH stručnoj i široj javnosti. Cilj je povećati dostupnost statističkih i kvalitativnih podataka o sudskim i tužilačkim politikama i praksama zainteresovanoj stručnoj i široj javnosti uz korištenje potencijala CMS/TCMS i Centra za sudsku dokumentaciju, te poboljšati sistem javnosti suđenja.

Sa ciljem rješavanja navedenih pitanja definisana su dva strateška programa, sa aktivnostima, rokovima, odgovornim institucijama i pokazateljima provođenja, koji su predstavljeni u narednoj tabeli.

Očekivani rezultati strateških programa: *1) unaprijeđena komunikacija pravosudnih institucija u BiH sa medijima, korisnicima usluga i javnosti, 2) unaprijeđena dostupnost informacija o radu pravosudnih institucija u BiH stručnoj i široj javnosti, 3) bolja percepcija javnosti o pravosudnom sistemu u BiH.*

STRATEŠKA OBLAST 1 - PRAVOSUĐE			
STRATEŠKA PODOBLAST 1.4 – OTVORENOST U RADU PRAVOSUDNIH INSTITUCIJA U BIH			
<i>Aktivnosti</i>	<i>Rokovi</i>	<i>Odgovorne institucije</i>	<i>Pokazatelj provođenja</i>
STRATEŠKI PROGRAM: 1.4.1 UNAPREĐENJE KOMUNIKACIJE PRAVOSUDNIH INSTITUCIJA U BIH SA MEDIJIMA, KORISNICIMA USLUGA I JAVNOSTI			
<i>1.4.1.1 Unaprijediti standardizovane internet stranice pravosudnih institucija u BiH, VSTV, Centra za sudsku dokumentaciju i pravosudnog portala pravosudje.ba sa ciljem upoznavanja javnosti sa radom pravosudnih institucija u BiH</i>	01/2015. - 12/2018.	<i>Koordinator: VSTV Partneri: Pravosudne institucije u BiH</i>	<i>Primjenjuju se moderne metode komunikacije (internet stranice, Centar za sudsku dokumentaciju VSTV-a, portal pravosudje.ba) pravosudnih institucija u BiH sa medijima, korisnicima i javnosti.</i>
STRATEŠKI PROGRAM: 1.4.2 UNAPREĐENJE DOSTUPNOSTI INFORMACIJA O RADU PRAVOSUDNIH INSTITUCIJA U BIH STRUČNOJ I ŠIROJ JAVNOSTI			
<i>1.4.2.1 Kontinuirano objavljivati podatke na stranici pravosudje.ba o procesuiranju svih krivičnih djela</i>	01/2014. - 12/2018.	<i>Koordinator: VSTV Partneri: Pravosudne institucije u BiH</i>	<i>Objavljivanje podataka o sudskoj praksi u krivično-pravnoj oblasti u BiH zainteresovanoj stručnoj i široj javnosti odvija se kontinuirano.</i>
<i>1.4.2.2 Kontinuirano objavljivati izvještaje o efikasnosti i kvaliteti rada pravosudnih institucija u BiH</i>	01/2014. - 12/2018.	<i>Koordinator: VSTV Partneri: Pravosudne institucije u BiH</i>	<i>Objavljivanje izvještaja o efikasnosti i kvaliteti rada pravosudnih institucija u BiH zainteresovanoj stručnoj i široj javnosti odvija se kontinuirano.</i>
<i>1.4.2.3 Kontinuirano ažurirati informacije i sadržaj internet stranice i baze sudskih odluka Centra za sudsku dokumentaciju VSTV-a</i>	01/2014. - 12/2018.	<i>Koordinator: VSTV Partneri: Pravosudne institucije u BiH</i>	<i>Ažuriranje informacija i sadržaja internet stranice i baze sudskih odluka Centra za sudsku dokumentaciju VSTV-a odvija se kontinuirano.</i>
<i>1.4.2.4 Osigurati dostupnost informacija o radu pravosudnih institucija u BiH organizovanjem javnih događaja (konferencije, okrugli stolovi, diskusije, izrada promotivnih materijala, itd.)</i>	01/2014. - 12/2018.	<i>Koordinator: VSTV Partneri: Pravosudne institucije u BiH</i>	<i>Osigurana dostupnost informacija o radu pravosudnih institucija u BiH organizovanjem javnih događaja.</i>

STRATEŠKA OBLAST 2: IZVRŠENJE KRIVIČNIH SANKCIJA U BIH

Dugoročni prioritet: Razvijati usklađeniji sistem izvršenja krivičnih sankcija u BiH koji, poštujući evropske standarde, osigurava human i zakonit tretman i efektivnu resocijalizaciju u zatvorima u BiH

Ova strateška oblast sadrži tri strateške podoblasti, koje su detaljnije opisane u nastavku teksta.

2.1 Upravljanje sistemom za izvršenje krivičnih sankcija u BiH

U okviru ove podoblasti razmatraju se slijedeća pitanja:

- 1. Postojeći pravni okvir koji utvrđuje sistem izvršenja krivičnih sankcija potrebno je kontinuirano usklađivati, da bi se izbjegle nedosljednosti u provođenju zakona i propisa u BiH.*
- 2. U BiH ne postoji rukovodni nivo, poput zavodske uprave, između zavoda i ministarstava pravde, niti postoje operativni rukovodioci unutar ministarstava pravde odgovorni za pojedinačne funkcionalne oblasti, što dovodi do pomanjkanja koordinacije i dosljednosti u upravljanju, kao i neefikasnog iskorištavanja sredstava.*
- 3. U ovoj strateškoj oblasti nije uspostavljen potpun sistem prikupljanja podataka vezan za izvršenje krivičnih sankcija ni na jednom od nivoa vlasti u BiH.*
- 4. Pored postignutih rezultata u prethodnom periodu potrebno je nastaviti unapređivati zavodsku infrastrukturu i uslove u zavodima u BiH.*
- 5. Ne postoji sistematizovana obuka zavodskog osoblja ni na jednom od nivoa vlasti u BiH.*
- 6. Takođe potrebno je unaprijediti sistem zdravstvene zaštite za sve osuđenike na svakom od nivoa vlasti u BiH.*

Sa ciljem rješavanja navedenih pitanja definisano je šest strateških programa, sa aktivnostima, rokovima, odgovornim institucijama i pokazateljima provođenja, koji su predstavljeni u narednoj tabeli.

Očekivani rezultati strateških programa: *1) razvoj usklađenog sistema za izvršenje krivičnih sankcija u BiH koji stavlja BiH u bolju poziciju u smislu ispunjavanja evropskih i međunarodnih standarda, 2) bolje strateško i operativno upravljanje zavodskim resursima i objektima, što osigurava jednaku primjenu zavodskih standarda koji se odnose na upravljanje kadrovima, izradu programa zdravstvene zaštite i tretmana, kao i efikasnost i efektivnost, 3) uspostavljene osnove za efikasno praćenje efekata koje za cilj ima podizanje zatvorskih standarda, 4) odvajajući upravljanje politikom od operativnog upravljanja, ministarstva pravde su u boljoj poziciji da odvoje resurse za pojačanje cjelokupnog sistema tako da mogu odgovoriti na uočene trendove u oblasti izvršenja krivičnih sankcija.*

STRATEŠKA OBLAST 2: IZVRŠENJE KRIVIČNIH SANKCIJA U BIH			
STRATEŠKA PODOBLAST 2.1 – UPRAVLJANJE SISTEMOM ZA IZVRŠENJE KRIVIČNIH SANKCIJA U BIH			
<i>Aktivnosti</i>	<i>Rokovi</i>	<i>Odgovorne institucije</i>	<i>Pokazatelj provođenja</i>
STRATEŠKI PROGRAM: 2.1.1 USKLAĐIVANJE STANDARDI I PROPISA KOJI UREĐUJU IZVRŠENJE KRIVIČNIH SANKCIJA U BIH			
<i>2.1.1.1 Analizirati usklađenost zakonskih i podzakonskih akata o izvršenju krivičnih sankcija u BiH, te usklađenost zakona u BiH sa evropskim i međunarodnim standardima u skladu sa nadležnostima svih nivoa vlasti u BiH</i>	07/2014. - 06/2018.	<i>Nosioci aktivnosti: MP BiH, FMP, MP RS i PK BD, svako iz svoje nadležnosti</i>	<i>Usklađenost zakonskih i podzakonskih akata o izvršenju krivičnih sankcija u BiH, te usklađenost zakona u BiH sa evropskim i međunarodnim standardima kontinuirano se analizira.</i>
<i>2.1.1.2 Izradivati zakonska rješenja radi usklađivanja u oblasti izvršenja krivičnih sankcija u BiH i sa evropskim i međunarodnim standardima u skladu sa nadležnostima svih nivoa vlasti u BiH</i>	07/2014. - 06/2018.	<i>Nosioci aktivnosti: MP BiH, FMP, MP RS i PK BD, svako iz svoje nadležnosti</i>	<i>Zakonska rješenja radi usklađivanja u oblasti izvršenja krivičnih sankcija u BiH i sa evropskim i međunarodnim standardima kontinuirano se izrađuju.</i>
STRATEŠKI PROGRAM: 2.1.2 USPOSTAVLJANJE UPRAVA ZA IZVRŠENJE KRIVIČNIH SANKCIJA U BIH			
<i>2.1.2.1 Ispitati mogućnosti za uspostavljanje uprava za izvršenje krivičnih sankcija u BiH u skladu sa nadležnostima svih nivoa vlasti u BiH</i>	01/2014. - 06/2014.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Ispitane mogućnosti za uspostavljanje uprava za izvršenje krivičnih sankcija u BiH.</i>
<i>2.1.2.2 Izraditi zakonska rješenja za uspostavljanje uprava za izvršenje krivičnih sankcija u BiH u skladu sa nadležnostima svih nivoa vlasti u BiH</i>	07/2014. - 06/2015.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Izrađena zakonska rješenja za uspostavljanje uprava za izvršenje krivičnih sankcija u BiH.</i>
<i>2.1.2.3 Osigurati materijalne, finansijske i tehničke uslove za uspostavljanje uprava za izvršenje krivičnih sankcija u BiH u skladu sa nadležnostima svih nivoa vlasti u BiH</i>	01/2015. - 12/2015.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Osigurani materijalni, finansijski i tehnički uslovi za uspostavljanje uprava za izvršenje krivičnih sankcija u BiH.</i>
<i>2.1.2.4 Uspostaviti uprave za izvršenje krivičnih sankcija u BiH u skladu sa nadležnostima svih nivoa vlasti u BiH</i>	07/2015. - 12/2015.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Uspostavljene uprave za izvršenje krivičnih sankcija u BiH.</i>
STRATEŠKI PROGRAM: 2.1.3 UNAPREĐENJE SISTEMA ZA PRIKUPLJANJE PODATAKA U OBLASTI IZVRŠENJA KRIVIČNIH SANKCIJA U BIH			
<i>2.1.3.1 Izvršiti analizu kapaciteta za prikupljanje podataka u oblasti izvršenja krivičnih sankcija u BiH u skladu sa nadležnostima svih nivoa vlasti u BiH</i>	01/2014. - 12/2014.	<i>Nosioci aktivnosti: MP BiH, FMP, MP RS i PK BD, svako iz svoje nadležnosti</i>	<i>Izrađena analiza kapaciteta za prikupljanje podataka u oblasti izvršenja krivičnih sankcija u BiH.</i>
<i>2.1.3.2 Izraditi podzakonske akte kojima se definiše okvir i procedure za prikupljanje i obradu podataka u skladu sa nadležnostima svih nivoa vlasti u BiH</i>	01/2015. - 12/2015.	<i>Nosioci aktivnosti: MP BiH, FMP, MP RS i PK BD, svako iz svoje nadležnosti</i>	<i>Izrađeni podzakonski akti kojima se definiše okvir i procedure za prikupljanje i obradu podataka.</i>
<i>2.1.3.3 Osigurati materijalno-tehničke uslove i softverska rješenja za operativno i statističko prikupljanje podataka u oblasti izvršenja krivičnih sankcija u BiH u skladu sa nadležnostima svih nivoa vlasti u BiH</i>	01/2015. - 12/2015.	<i>Nosioci aktivnosti: MP BiH, FMP, MP RS i PK BD, svako iz svoje nadležnosti</i>	<i>Osigurani materijalno-tehničke uslovi i softverska rješenja za operativno i statističko prikupljanje podataka u oblasti izvršenja krivičnih sankcija u BiH.</i>
<i>2.1.3.4 Provesti obuku o prikupljanju i analizi podataka u skladu sa nadležnostima svih nivoa vlasti u BiH</i>	01/2016. - 12/2018.	<i>Nosioci aktivnosti: MP BiH, FMP, MP RS i PK BD, svako iz svoje nadležnosti</i>	<i>Provedene obuke o prikupljanju i analizi podataka.</i>

<i>Aktivnosti</i>	<i>Rokovi</i>	<i>Odgovorne institucije</i>	<i>Pokazatelj provođenja</i>
STRATEŠKI PROGRAM: 2.1.4 UNAPREĐENJE ZAVODSKE INFRASTRUKTURE I USLOVA U ZAVODIMA U BIH			
<i>2.1.4.1 Završiti tenderske procedure i započeti izgradnju Državnog zavoda</i>	01/2014. - 12/2014.	<i>Nosilac aktivnosti: MP BiH</i>	<i>Završene tenderske procedure i započeta izgradnja Državnog zavoda.</i>
<i>2.1.4.2 Izvršiti radove na izgradnji Državnog zavoda i staviti ga u funkciju</i>	01/2015. - 12/2015.	<i>Nosilac aktivnosti: MP BiH</i>	<i>Završeni radovi na izgradnji Državnog zavoda i isti stavljen u funkciju.</i>
<i>2.1.4.3 Analizirati stanje zavodskih objekata i sačiniti plan finansiranja za rekonstrukcije zavoda, uključujući zavode za maloljetnike u skladu sa nadležnostima svih nivoa vlasti u BiH</i>	01/2014. - 12/2018.	<i>Nosioci aktivnosti: FMP i MP RS, svako iz svoje nadležnosti</i>	<i>Analizirano stanje zavodskih objekata i sačinjen plan finansiranja za rekonstrukcije zavoda, uključujući zavode za maloljetnike.</i>
<i>2.1.4.4 Provoditi planove za unapređenja zavodske infrastrukture u skladu sa nadležnostima svih nivoa vlasti u BiH</i>	01/2014. - 12/2018.	<i>Nosioci aktivnosti: FMP i MP RS, svako iz svoje nadležnosti</i>	<i>Planovi za unapređenje zavodske infrastrukture se provode.</i>
STRATEŠKI PROGRAM: 2.1.5 SISTEMATIZOVANJE I PROVOĐENJE OBUKA ZAVODSKOG OSOBLJA U BIH			
<i>2.1.5.1 Izraditi analizu i zakonska rješenja kojima se regulišu nadležnosti za obuku zavodskog osoblja u skladu sa nadležnostima svih nivoa vlasti u BiH</i>	01/2014. - 12/2014.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Izrađena analiza i zakonska rješenja kojima se regulišu nadležnosti za obuku zavodskog osoblja.</i>
<i>2.1.5.2 Izraditi programe obuke zavodskog osoblja u skladu sa nadležnostima svih nivoa vlasti u BiH</i>	01/2014. - 12/2014.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Izrađeni programi obuke zavodskog osoblja.</i>
<i>2.1.5.3 Redovno provoditi progame obuke zavodskog osoblja u skladu sa nadležnostima svih nivoa vlasti u BiH</i>	01/2015. - 12/2018.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Progami obuke zavodskog osoblja redovno se provode.</i>
STRATEŠKI PROGRAM: 2.1.6 UNAPREĐENJE SISTEMA ZDRAVSTVENE ZAŠTITE ZA OSUĐENIKE U BIH			
<i>2.1.6.1 Osigurati finansijska sredstva za provođenje Okvirnog plana za unapređenje zdravstvene zaštite zavodske populacije u BiH u skladu sa nadležnostima svih nivoa vlasti u BiH</i>	01/2014. - 12/2014.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Osigurana finansijska sredstva za provođenje Okvirnog plana za unapređenje zdravstvene zaštite zavodske populacije u BiH.</i>
<i>2.1.6.2 Provesti Okvirni plan za unapređenje zdravstvene zaštite zavodske populacije u BiH u skladu sa nadležnostima svih nivoa vlasti u BiH</i>	01/2014. - 12/2018.	<i>Nosioci aktivnosti: MP BiH, FMP i MP RS, svako iz svoje nadležnosti</i>	<i>Proveden Okvirni plan za unapređenje zdravstvene zaštite zavodske populacije u BiH.</i>

2.2 Unapređenje primjene alternativnih sankcija u BiH

Prekobrojnost u zavodima u BiH, posebno u Federaciji BiH, je u proteklom periodu bila veoma izražena i ugrožavala je evropske standarde. Da bi se riješio ovaj problem, osim izgradnje zavodskih kapaciteta, bilo je potrebno pozabaviti se i većom primjenom alternativnih sankcija, kojima se ispunjavaju evropski standardi.

U okviru ove podoblasti razmatraju se slijedeća pitanja:

1. Rad za opće dobro na slobodi u BiH se koristi u ograničenoj mjeri i ima mali uticaj na ukupni broj zatvorenika, a u nekim političko-teritorijalnim jedinicama se uopće ni ne koristi. U narednom periodu potrebno je osigurati započetu primjenu rada za opće dobro na slobodi u cijeloj BiH, kako za punoljetne, tako i za maloljetne osuđenike.

2. U Federaciji BiH postoji iskazana potreba da se unaprijedi započeto provođenje sankcije kućnog zatvora sa elektronskim nadzorom.

3. Dodatno je potrebno unaprijediti provođenje uslovnog otpusta u cijeloj BiH.

4. Takođe i postupak pomilovanja u BiH treba dodatno unaprijediti. Uslovni otpust u BiH trenutno se koristi u veoma ograničenoj mjeri i u različitim omjerima na različitim nivoima vlasti.

5. Jedna od obaveza BiH je i uspostavljanje probacijske službe u BiH, u skladu sa nadležnostima različitih nivoa vlasti u BiH, čije uspostavljanje još nije započeto.

Sa ciljem rješavanja navedenih pitanja definisano je pet strateških programa, sa aktivnostima, rokovima, odgovornim institucijama i pokazateljima provođenja, koji su predstavljeni u narednoj tabeli.

Očekivani rezultati strateških programa: 1) smanjena prekobrojnost u zavodima, što će dovesti do većeg poštovanja ljudskih prava, 2) zavodi su u stanju da bolje ispunjavaju evropske standarde, kao i da efektivnije održavaju red i sigurnost unutar zavoda, 3) bolja razdvojenost zatvorenika i ograničen kontakt između različitih kategorija zatvorenika, 4) veće mogućnosti za efektivan tretman zatvorenika, uključujući rehabilitacioni rad, 5) povećana mogućnost za reintegraciju osuđenika u društvo, putem održavanja veza sa zajednicom, a boravak u zavodima bi se koristio samo za osobe koje su počinile teža krivična djela, koja i predstavljaju najveću prijetnju društvu.



Britanska Ambasada
Sarajevo



